

الكاثوليكون

يوحنا الأولى

الله نور .. الله محبة ... الله هو يسوع المسيح

رسالة جميلة جداً بتبين لنا طبيعة الله زي ما شفناها في شخص يسوع المسيح ... و دورنا إحنا كأولاد الله إننا نقبل شهادة الله عن نفسه من خلال ربنا يسوع و الروح القدس ... و نتمثل به و نسلك في وصاياه و نحب بعضنا بعضاً كما أحبنا

طبعاً الملخص ده لا يغني أبداً عن الوعظ و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

عن السفر



عدد الإصحاحات: 5

السفر موجّه لمين؟ كنيسة أفسس ... لكنه من الرسائل الجامعة الصالحة للكنيسة في كل مكان و زمان

ظروف الكتابة: ?

- كاتب الرسالة هو القديس يوحنا الحبيب (ابن زبدي)
- كتبها و هو في أفسس بعد عودته من نفيه في جزيرة بطمس
- طبعاً ساعتها هو كان راعي كنيسة أفسس

هدف السفر: ✓

- بيؤكد القديس يوحنا للمؤمنين إن إيمانهم صحيح بربنا يسوع لأن فيه معلمين كذبة و فاسدين بمفاهيم خاطئة
- الرسالة دي تذكّر لنا بإيماننا و إيه فكرنا و عقيدتنا كمسيحيين ... تجيب لنا على سؤال: من هو الله
- و بعد ما عرفنا من هو الله، بتجاوب لنا على سؤال: كيف نسلك كأولاد الله

مفاتيح فهم السفر: ✍

- ساعتها كانت طلعت يدع كثير و انشاقات في الكنيسة و بدأ ناس ينكروا لاهوت السيد المسيح
- و الناس دول بدأوا يعادوا و يضطهدوا المسيحيين ... عشان كده كتب القديس يوحنا هذه الرسالة
- طريقة الكتابة أقرب للمحاضرة مش الرسالة ... محاضرة إيمانية و لاهوتية و عملية
- الرسالة مافيهاش أفكار أو معلومات جديدة، بل معظم أفكارها خصوصاً عن المحبة من إنجيل يوحنا 13 ل 17 (أحداث خميس العهد و خطاب ربنا يسوع الوداعي لتلاميذه)
- الرسالة بتدور حول الحياة و النور و الحق و المحبة ... القديس يوحنا بيكرّر المعاني دي و كل شوية يضيف معنى أو صورة جديدة



ملخص السفر



السفر مقسوم لمقدمة و ختام ... بينهم رسالة واضحة عن الله: النور و المحبة ... و عَنَّا كأولاده إزاي نسلك زيّه



مقدمة

✚ إصحاح 1 : 1 ل 4

الهدف من الرسالة

[تفاصيل أكثر](#)



الله نور

✚ إصحاح 1 : 5 لإصحاح 3 : 10

الله أعلن نفسه كنور العالم و ليس فيه ظلمة ... و دورنا إننا نسلك في النور

[تفاصيل أكثر](#)



الله محبة

✚ إصحاح 3 : 11 لإصحاح 5 : 17

الله أعلن محبته لينا من خلال ربنا يسوع ... و دورنا إننا نحب بعض زي ما هو أحبنا

[تفاصيل أكثر](#)



استنتاج

✚ إصحاح 5 : 18 ل 21

ملخص رائع للرسالة كلها

[تفاصيل أكثر](#)

صور السفر

1: مقدمة




- آية 1 و 2 البداية شبه جداً إنجيل يوحنا (في البدء كان الكلمة) عن **طبيعة السيد المسيح** الأزلي الكلمة المتجسد
- آية 3 و 4 فيهم الهدف من الرسالة: **الشركة و الوحدانية للكنيسة مع الله** ... هذا هو الفرحة الكامل و الحقيقي

نتعلم إيه؟

وسط زحمة الدنيا و مشغولياتها لازم نبتكر دعوتنا: إحنا مدعوين نعيش في شركة مع بعضنا البعض و مع الله

— يا رب ثبت الفكرة دي في دماغي: أنا و كل ولدك مدعوين لحياة شركة معاك ... نتمتع بمحبتك العظيمة لينا و تكون المحبة دي هي محور حياتنا

2: الله نور



- **إصحاح 1 : 5 ل 10** **إحنا لازم نسلك في النور** عشان يكون لنا شركة مع الله (النور الحقيقي)
- **إصحاح 2 : 1 ل 6** نسلك في النور **بحفظ وصايا ربنا** ... اللي بيقول إنه ابن ربنا لازم يسلك زي ربنا... و خطايه اللي بيتوب عنها و يبجاهد ضدها, دم ربنا يسوع ها يغفرها له
- **إصحاح 2 : 7 ل 11** نسلك في النور **بالمحبة بعضنا لبعض** ... دي وصية عهد قديم (تحب قريبك كنفسك) و ربنا وضح في قتل السامري الصالح إن القريب ده يشمل كل الناس ... و ركز على الوصية دي جداً ربنا يسوع في خطابه الوداعي لتلاميذه بعد التوضيح العملي لما غسل أرجلهم
- **إصحاح 2 : 12 ل 17** نسلك في النور **بالبعد عن العالم و شهواته** ... الآية اللي اختارتها الكنيسة شعار لختام الكاثوليكون (لا تحبوا العالم ولا الأشياء التي في العالم) ... لأن اللي في العالم هو شهوة الجسد و شهوة العيون و تعظم المعيشة (ده الموجود في كل مكان و زمان) ... كل ده إحنا مُتْنَا مع المسيح عنه بالمعمودية ... خَلَعْنَا الإنسان العتيق و لبسْنَا الإنسان الروحاني الجديد اللي يقدر يغلب شهوات العالم
- **إصحاح 2 : 18 ل 29** نسلك في النور **بالتمسك بالإيمان الصحيح** ... ضد الهرطقات و الأفكار الشريرة اللي بتنكر السيد المسيح كإله و سيّد ... كل اللي بينكر المسيح هو (ضد المسيح) ... و للأسف كتير بيطلعوا من الكنيسة (زي أربوس و نسطور) ... كانوا ولاد ربنا لكنهم رفضوا نعمة ربنا ... أما المؤمنین بربنا يسوع فهؤلاء هم اللي تمسكوا بكونهم أبناء الله
- **إصحاح 3 : 1 ل 10** بيلخص القديس يوحنا الجزء جه بالتأكيد على إن **أعمالنا هي مقياس بنوتنا لله** ... الشجرة الجيدة تصنع ثمرًا جيّدًا و الشجرة الرديئة تصنع ثمرًا رديئًا ... لو إحنا ولاد ربنا يبقى نسلك زي ما هو سلك ... لو لم نسلك مثله نبقى مش ولاده

نتعلّم إيه؟

الله نور و ليس فيه ظلمة أبداً ... جملة معزّية لكن تخوّف ... عشان يكون لنا شركة معاه لازم إحنا كمان نسلك في النور

3: الله محبة



- إصحاح 3: 11 ل 15 **تحذير من خطية الكراهية** ... التي بسببها قتل قايين أخوه هابيل (تكوين 4)
- إصحاح 3: 16 ل 24 لازم **نحب بعض كما أحبنا الله و أسلم نفسه لأجلنا** ... دي المحبة الباذلة التي بنتعلمها من صليب ربنا يسوع و لازم نتمثل بيها و نحب بعض بنفس الطريقة (بالأعمال و ليس بالكلام) ... و ثقتنا في نعمة ربنا التي تغيّر قلوبنا و تدينا القدرة على المحبة دي
- إصحاح 4: 1 ل 6 فيه **تحذير من الأنبياء الكذبة** (لقب للمعلمين الفاسدين) ... ببساطة كل من ينكر لاهوت السيد المسيح فهو كذاب و ضد المسيح ... حتى لو النبي ده ادعى إنه جه باسم الله و من عند الله، ده كذاب!
- إصحاح 4: 7 ل 16 على العكس من كده **أولاد ربنا حياتهم متمركزة حوالين صليبه و محبته** ... الله محبة، و أولاده بياخدوا من محبته التي على صليبه (بيحسوا بمحبته ليهم) و يحبوا بعض بنفس الطريقة ... ماחדش بينكر ربنا يسوع يقدر يحب كده
- إصحاح 4: 17 ل 21 فيه رجاء **إن كل ما محبتنا لربنا تزيد كل ما نعرفه أكثر و خوفنا منه يقل** ... بدل الرعب من مقابلة الديان بيبقى شوق للقاء الحبيب السماوي ... مهابة و محبة الابن لوالده الصالح مش خوف العبد من سيده القوي
- إصحاح 5: 1 ل 5 فيه **سر الانتصار على العالم: إيماننا بمحبة ربنا لنا** ... لو أمنا من قلبنا بربنا و حسينا بحبه لنا، هايبقى الحب ده هو محور حياتنا ... هانقدر نغلب العالم و شهواته (شهوة الجسد، و شهوة العيون، و تعظم المعيشة) و هانقدر نفسنا تزهد الحاجات دي و تدوس غسل العالم

إصحاح 5: 18-21 فيه **الإيمان الصحيح**: إن ربنا يسوع هو واحد مع الآب و الروح القدس ... هو ابن الله الذي يعصيه الأبدية، الذي ليس بعيره الخالص ... دي شهادة الروح القدس عن ربنا يسوع الذي وصلت لنا من خلال التلاميذ

نتعلم إيه؟

الله محبة: محبة باذلة على الصليب ... و ولاد ربنا بيتمثلوا بمحبته و يكون الصليب هو محور حياتهم ... و منبع محبتهم و خدمتهم لكل

— يا رب خليني أعرفك أكثر ... أعرف عظم محبتك لي ... أشبع من حبك و أعكسه بأعمال رحمة و خدمة لإخواني

#4: استنتاج

> **5:18-21**

CONCLUSION

"WE KNOW THE SON OF GOD HAS COME SO WE CAN KNOW THE ONE WHO IS TRUE & WE ARE IN THE ONE WHO IS TRUE, IN HIS SON JESUS THE MESSIAH. THIS IS THE TRUE GOD & ETERNAL LIFE." (5:20)



"KEEP AWAY FROM IDOLS." (5:21)

RESIST REMAKING GOD IN YOUR OWN IMAGE.



إصحاح 5: 18 ل 21 في الختام **استنتاج جميل جداً مع تحذير** ... ربنا يسوع هو الله الظاهر في الجسد كما شهد لنا هو عن نفسه ... إحنا المفروض نقبل صورة الله كما هو، مش نحاول نشكل صورة ربنا في دماغنا بأي طريقة مختلفة ... لو عملنا كده هانبقى بنعمل (صنم) نعبد، مش ربنا الإله الحقيقي

نتعلم إيه؟

من هو الله؟ هو ربنا يسوع المسيح الذي أظهر لنا محبة الله الآب كما أعلن لنا الروح القدس ... أي صورة تانية لله غير ربنا يسوع

— يا رب ماتخليش العالم بمفاهيمه و أفكاره عنك يؤثر عليّ ... أعرفك معرفة حقيقية من خلال كلامك في الكتاب المقدس بإرشاد روحك القدوس



آيات تلخص السفر

الذي رأيناه و سمعناه نخبركم به، لكي يكون لكم أيضاً شركة معنا. و أمّا شركتنا نحن فهي مع الآب و مع ابنه يسوع المسيح.

— يوحنا الأولى 1 : 3

- طبعاً (نحن) اللي بيقولها القديس يوحنا هم آباءنا الرسل اللي شافوا و سمعوا و عاشوا مع السيد المسيح
- و (أنتم) هي كل الأجيال اللي بعد كده ... اللي دورها إنها تؤمن بكراسة الرسل و هي لم ترّ يسوع بالعين
- و كل من يؤمن يدخل في شركة واحدة مش بس مع الآباء الرسل، بل مع الله ... شركة في آلامه و محبته و قيامته
- الشركة دي هي علاقة حقيقية و مشاركة حقيقية

إن قلنا: إن لنا شركة معه و سلّكنا في الظلمة، نكذب و لسنا نعمل الحق. و لكن إن سلّكنا في النور كما هو في النور، فلنا شركة بعضنا مع بعض، و دم يسوع المسيح ابنه يطهرنا من كل خطية.

— يوحنا الأولى 1 : 6 و 7

- الإيمان ليس بالكلام بل بالأعمال ... سلوكنا يُظهر إن كان إيماننا حقيقي و لنا شركة فعلاً مع الله ولا مجرد كلمات جوفاء
- كمان عقيدة مهمة جداً: غفران الخطايا بدم ربنا يسوع على الصليب فقط

أيها الأحباء، لنُحب بعضنا بعضاً، لأن المحبة هي من الله، و كل من يحب فقد وُلد من الله و يعرف الله. و من لا يحب لم يعرف الله، لأن الله محبة.

— يوحنا الأولى 4 : 7 و 8

- مقياس واضح جداً و مباشر جداً لبنوّتنا لله: هل بنحبّ بعض زيّ ما هو أحبنا؟
- النّص الثاني من الآية يخوّف: اللي مش عارف يحب أخوه ده لا يعرف الله (مالوش علاقة حقيقية و ارتباط حقيقي به)، لأن الله محبة
- و المحبة طبعاً هي بالعمل و البذل و ليست بالكلام

و نعلم أن ابن الله قد جاء و أعطانا بصيرة لنعرف الحق. و نحن في الحق في ابنه يسوع المسيح. هذا هو الإله الحق و الحياة الأبدية.

— يوحنا الأولى 5 : 20

- كلمة (الحق) هنا معناها شخص الله (اللي هو الطريق و الحق و الحياة)
- و إحنا في الحق = إحنا في شركة مع الله من خلال ربنا يسوع ... اللي أعطانا هدية الحياة الأبدية

تفسير بعض الآيات

فإن الحياة أظهرت، و قد رأينا و نشهد و نخبركم بالحياة الأبدية التي كانت عند الآب و أظهرت لنا

— يوحنا الأولى 1 : 2

💡 بداية تشبه جداً بداية إنجيل يوحنا (إصحاح 1 : 1 ل 18) ... عن طبيعة ربنا يسوع: الله كلمة الحياة الظاهر في الجسد

و القديس يوحنا بيؤكد إنه شاهد على هذه الحقيقة: سمع ربنا يسوع و شافه و لمسه ... إذأ ده كلام حقيقي و ليس قصة خيالية
الله ... هو الآب و الابن و الروح القدس

و الآن أيها الأولاد, اثبتوا فيه, حتى إذا أظهر يكون لنا ثقة, و لا نخجل منه في مجيئه

— يوحنا الأولى 2 : 28

نقدر نقرا تأمل على الآية دي [هنا](#)

لأن كل من وُلِد من الله يغلب العالم. و هذه هي الغلبة التي تغلب العالم: إيماننا . من هو الذي يغلب العالم, إلا الذي يؤمن أن يسوع هو ابن الله؟

— يوحنا الأولى 5 : 4 و 5

آية جميلة جداً ... بتفكرنا بالقديس أثناسيوس اللي لولاه كان العالم كله هايصير أريوسي ... قالوا له (العالم كله ضدك) قال لهم (و أنا ضد العالم) ... و بإيمانه غلب

إن رأى أحد أخاه يخطئ خطية ليست للموت, يَطْلُب, فيعطيه حياة للذين يخطئون ليس للموت. توجد خطية للموت, ليس لأجل هذه أقول أن يَطْلُب. كل إثم هو خطية, و توجد خطية ليست للموت.

— يوحنا الأولى 5 : 16 و 17

الخطية الموجبة للموت هي التجديف على الروح القدس ... الفكرة مش في شدة الخطية (يعني كذب و لا قتل؟) بل في الإصرار عليها و عدم التوبة عنها ... زي الهرطقة (أريوس و نسطور) اللي أفسدوا الإيمان و الكنيسة أعطت لهم الفرصة و ناقشتهم عشان يتوبوا و هم رفضوا و أصروا على خطأهم حتى النهاية ... زي ما ربنا قال لصموئيل النبي إنه يبطل صلاة من أجل شاول لأن الله رفضه لأن قلبه رفض ربنا
و القديس يوحنا في النوع ده من الخطية, بيسيب لكل واحد الحرية: عايز يصلي من أجل الشخص ده أو لأ
لكن فيه خطايا تاني غير موجبة للموت, بنعملها عن ضعف, بغير إرادة أو بجهل مننا ... دي بنتوب عليها و نطلب من ربنا يغفرها لنا و بنسامح إخواتنا و نصلي في أبانا الذي: (إغفر لنا ذنوبنا كما نغفر نحن أيضاً للمذنبين إلينا)
و دي لازم نطلب من ربنا إنه يغفرها كمان لإخواتنا

المراجع الرئيسية



- موقع [The Bible Project](#)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلاهيمانوت](#)